

## SOALAN LAZIM BERKENAAN TABUNG SARINGAN COVID-19 (CTF) UNTUK PEMEGANG POLISI INSURANS DAN SIJIL TAKAFUL PERUBATAN

### 1. Apakah itu Tabung Saringan COVID-19 (CTF) yang ditubuhkan oleh industri insurans dan takaful?

- CTF ialah satu tabung bernilai RM8 juta yang ditubuhkan oleh industri insurans dan takaful bagi menyokong usaha Kementerian Kesihatan Malaysia (KKM) dalam mengendalikan lebih banyak ujian saringan COVID-19.
- Tabung ini akan menyalurkan pembayaran balik tunai tetap sehingga RM300 untuk kos ujian saringan COVID-19, bagi individu yang dilindungi di bawah polisi insurans/ sijil takaful perubatan individu atau kelompok.

### 2. Siapakah yang layak untuk membuat tuntutan dari tabung CTF?

CTF hanya boleh diguna pakai bagi pemegang polisi insurans dan sijil takaful dengan di bawah insurans / takaful perubatan individu atau kelompok, yang telah dirujuk oleh doktor yang berdaftar untuk ujian saringan COVID-19 di makmal swasta yang diperakui/diiktiraf dan disenaraikan di laman web COVID-19 KKM. Polisi insurans / sijil takaful anda mestilah masih berkuatkuasa pada 27 Mac 2020 dan pada masa ujian saringan COVID-19 dilakukan.

### 3. Jika saya mempunyai lebih dari satu polisi insurans / sijil takaful perubatan dengan syarikat insurans dan pengendali takaful yang berlainan, adakah saya boleh membuat tuntutan dengan lebih dari satu syarikat?

CTF hanya akan membayar jumlah maksimum RM300 untuk setiap individu tanpa mengira jumlah ujian saringan COVID-19 yang telah diambil. Anda hanya boleh membuat tuntutan satu kali dari tabung CTF walaupun anda mempunyai lebih dari satu polisi insurans / sijil takaful perubatan.

### 4. Siapakah yang boleh mengambil ujian saringan COVID-19 di bawah CTF?

- Individu yang layak untuk membuat tuntutan dari CTF wajib dirujuk oleh doktor yang berdaftar dan adalah:
  - (i) Dianggap sebagai Orang yang Disiasat (PUI) seperti ditakrifkan oleh KKM (versi yang terbaru seperti di bawah), atau
  - (ii) Mempunyai hubungan dengan kes positif COVID-19 (takrifan KKM seperti di bawah).

**Takrifan kes Orang yang Disiasat (PUI) dikeluarkan oleh KKM, dikemaskini pada 25 Mac 2020**

**Annex 1 di Garispanduan COVID-19 KKM dikemaskini dari semasa ke semasa:**

Jangkitan pernafasan akut (serangan tiba-tiba bagi jangkitan pernafasan dengan salah satu: kesesakan bernafas, batuk atau sakit tekak) dengan demam atau tidak

**DAN**

Ada sejarah perjalanan ke / menetap di luar negara dalam masa 14 hari sebelum bermulanya sakit **ATAU**

Hubungan rapat\* dalam masa 14 hari sebelum bermulanya sakit dengan kesah COVID-19\*\* **ATAU**

Menghadiri majlis umum yang dikaitkan dengan wabak COVID-19

\* Hubungan rapat ditakrifkan sebagai:

- Petugas kesihatan berkaitan yang terdedah tanpa Kelengkapan Perlindungan Peribadi yang lengkap (termasuk memberikan rawatan terus untuk pesakit COVID-19, bekerja dengan pekerja penjagaan kesihatan yang dijangkiti COVID-19, melawat pesakit or menetap bersama pesakit COVID-19 di persekitaran tertutup).
- Bekerja bersama dalam jarak dekat atau berkongsi persekitaran yang sama dengan pesakit COVID-19.
- Pernah berada dalam perjalanan bersama dengan pesakit COVID-19 di dalam apa jenis kenderaan/pengangkutan.
- Menetap di rumah yang sama dengan pesakit COVID-19.

\*\*Kesah COVID-19 ditakrifkan sebagai seorang yang telah mendapat pengesahan makmal mempunyai jangkitan COVID-19.

Nota: CTF tidak akan mengambil kira ujian Pandu Lalu yang disediakan oleh sebahagian makmal / hospital swasta.

**5. Bagaimana model tabung ini berfungsi? Bagaimana saya boleh membuat tuntutan dari CTF?**

Kami sedang menyiapkan butirannya tidak lama lagi dan maklumat tersebut akan dikemaskini di laman web LIAM ([www.liam.org.my](http://www.liam.org.my)), PIAM ([www.piam.org.my](http://www.piam.org.my)) and MTA ([www.malaysiantakaful.com.my](http://www.malaysiantakaful.com.my)) dalam tempoh beberapa hari.

**6. Adakah saya layak untuk membuat tuntutan dari CTF jika ujian saringan COVID-19 saya adalah negatif?**

Ya, anda layak membuat tuntutan dari CTF tanpa mengambil kira keputusan ujian saringan.

**7. Jika saya memerlukan rawatan lanjut bagi COVID-19, adakah saya masih boleh membuat tuntutan dari CTF?**

Tabung CTF adalah dikhususkan untuk ujian saringan COVID-19. Jika anda memerlukan rawatan lanjut, anda boleh menghubungi syarikat insurans / pengendali takaful anda untuk mengetahui lebih lanjut sama ada rawatan tersebut dilindungi di bawah polisi insurans / sijil takaful anda.

**8. Adakah saya boleh membuat tuntutan dari CTF jika ujian saringan dilakukan di rumah?**

Tidak, buat masa sekarang CTF tidak mengambil kira ujian saringan yang dilakukan di rumah.

9. **Adakah saya boleh membuat tuntutan dengan CTF andainya saya membuat ujian saringan di mana-mana hospital atau makmal yang diperakui/diiktiraf tanpa berjumpa dengan doktor dahulu?**

Tidak. Anda wajib berjumpa dengan doktor berdaftar, dan membuat ujian saringan di atas saranan atau arahan dari doktor berkenaan setelah menepati kriteria yang ditetapkan.

10. **Bilakah tabung ini dibuka dan adakah terdapat tarikh tutup untuk mendaftar?**

CTF dibuka bagi ujian saringan yang dibuat bermula dari 27 Mac 2020, berdasarkan tuntutan yang dibuat terlebih dahulu. Sekiranya dana RM 8 juta telah habis, tabung ini akan dihentikan.

11. **Adakah terdapat hospital / makmal swasta yang khusus yang saya boleh membuat ujian saringan COVID-19?**

Anda boleh pergi ke mana-masa doktor berdaftar di klinik atau hospital kerajaan atau swasta, dan jika anda menepati kriteria yang ditetapkan serta dinasihatkan oleh doktor yang berdaftar untuk membuat ujian saringan, sampel ujian akan diambil serta-merta pada waktu itu.

Ataupun, anda akan diarahkan untuk pergi ke mana-mana makmal yang diperakui/diiktiraf dan disenaraikan oleh Kementerian Kesihatan Malaysian di laman web mereka.

12. **Jika saya membuat ujian secara percuma, bolehkah saya membuat tuntutan RM300 ini?**

Tidak. Anda tidak layak membuat tuntutan RM300 jika anda menjalani ujian saringan secara percuma.

13. **Jika doktor menasihatkan saya untuk melakukan ujian saringan COVID-19 bagi tujuan pembedahan elektif, adakah saya layak untuk membuat tuntutan?**

Tidak. CTF tidak mengambil kira ujian saringan bagi pembedahan elektif.